

cuamus, quod imprescriptionibus^a in futurum contra eandem ecclesiam Arelaten(sem) emersuris volumus similiter observari. (3) Non obstantibus iuribus et legibus, quibus posset impediri nostra gratia sic indulta, et precipue legibus dicentibus, bona sive iura ecclesiastica quadraginta vel centum annorum spacio legitime posse prescribi. Salvis in omnibus predictis iuribus imperii Romani aut eius fisci, quibus per hanc nostre largitatis gratiam beneficium iuris comunis adimere non intendimus vel artare. (4) Nulli ergo liceat hanc nostre indultionis et gratie paginam infringere vel ei ausu temerario contrahire. Quod qui facere presumpserit nostre celsitudinis indignationem et penam, quam eidem nostro arbitrio infligendam duxerimus, se noverit incurrisse. In cuius rei testimonium presentes litteras imperialis nostre maiestatis bulla aurea iussimus communiri.

Dat. Rome apud Sanctam Sabinam, VII. Idus Iulii, anno Domini millesimo trecentesimo duodecimo^b, indictione decima, regni nostri anno quarto, imperii vero primo.

Goldbulle fehlt.

Ital. Perg. Schreiber der päpstlichen Kanzlei.

XVII. Wahlbündnis des Erzbischofs von Köln mit Graf Wilhelm von Hennegau. 1314 März 25.¹

Or. Mons, Archives de l'état 'Trésorerie des chartes' n. 363. In der Mitte der untern Hälfte grosser Moderflecken.

Universis presentes litteras inspecturis Henricus Dei gracia sancte Coloniensis ecclesie archiepiscopus ac sacri imperii per Ytaliam archicancellarius et Willelmus eadem gracia comes Haynonie, Hollandie, Zelandie ac dominus Frisie salutem et noticiam veritatis.

(1) Notum facimus tam presentibus quam futuris, quod nos pro statu et tranquillitate et tuicione nostra, subiectionum nostrorum et terrarum nostrarum sumus adinvicem alligati et confederati in modum qui sequitur et in formam: (2) Primo quilibet nostrum tenetur alterum adiuvere pro posse suo terras suas defendere contra omnes in propriis expensis illius, qui requiret ab altero auxilium et iuvamen. (3) Item quilibet nostrum procurabit bonum statum et honorem alterius et impediet malum alterius pro posse suo facto, ope et consilio. (4) Item si dominus archiepiscopus

a) So Or. b) 'duodecio' Or.

1) Ineditum. Vgl. Böhmer, Reg. Ludw. Reichssachen 343.